

湖南褒忠錄初稿



湖南褒忠祿初橐

殉團四

岳州府

巴陵

團防殉難

李春沂字載詠邑諸生咸豐二年與生員李承昉文童李巨典等倡行團練岳州失守土匪四起焚署刦餉合邑騷然春沂等禦賊於沙溪擒渠賊趙捷權等會官軍至土匪悉平四年黃州賊上竄岳州復陷賊分黨攻團春沂巨典皆戰死

李承昉字時鑑邑諸生咸豐五年警報不時至承昉復舉行團練署曰復振團是年春賊踞通城承昉督團勇越省會剿三月

海內夏忠金卷之五
二十七日與賊力戰花涼亭力絀死之同時哨長李管城李載
誌隊長李君宜李載璜李時玉李昇梅皆殉均從祀岳州昭忠
祠

李載昆李時仁李際清李玉民李大有李載商李載切李自道
李日新李西岩李逢青李道平李載交李時章李時年李時樹
李連江李時保李時仁李際新李載祖李德運李文元李善育
李同和李時全李春斗李利元李萬春李敏書李常一均復振
團勇五年六月臨湘令姚榮鄉率師勦賊失利戰歿賊四竄二
十四日團總李鉅福等督勇堵臨邑柳樹廠因賊眾無險可守
遂退賊躡追與戰於四六房李氏門首血戰數時載昆等歿於

陣李姓一門婦女殉難者九人均詳殉貞錄其時團總李康元等被圍窘甚適有貿易人至取木挑擊賊數賊皆踣康元等乘間逃貿易人旋被賊圍殺平江人姓名不詳

阮淵玉道光己酉科舉人揀選知縣武陵教諭文錦子咸豐五年六月崇通賊竄逼縣境二十二日淵玉募勇扼要堵剿賊退二十四日賊大股闌入出不意至宅執淵玉淵玉大罵不屈立遭慘死祖母李氏年九十五因救孫罵賊亦遇害世父文祥又以救母被戕同時淵玉叔祖官懋同懷弟蕙田諸子紹璜從兄弟阮冕臣阮百朋阮以旋阮吉祥阮國進國武國蛟國正皆遇害一門殉義者男婦十六人文祥年七十官懋年六十五

徐登字兩如監生所居界平屬板江又與通城連通城土匪蜂起板江士紳設立全福團爲守禦計登以界相連立清會團相倚爲聲勢五年七月月田土匪余廣裕等勾結通邑會家橋賊黨二千餘人掠左近鄉村登會全福團率勇三百人往剿賊聞風遁是夜登率團勇舍李姓鋪夜五鼓賊數千突至圍李姓鋪登與全福團紳王允升率勇衝殺登遇害允升等突圍出免團勇殉者二十八人

團境遇害

徐芳珍國學生咸豐四年三月賊竄岳州官兵扼要堵擊芳珍率家人勞以茶會兵潰芳珍突不及避指賊大罵賊叢擊身受

十四傷而死屋被焚

馮維善咸豐四年五月十八日因耕被擄不從賊砍其頭血流被面仍不從賊以刀刺其背洞穿而死

羅大藻咸豐五年賊至被擄投水死

李世平被賊擄憤罵不屈賊怒斷其足而死

張玉光與賊鬪被害

陳守明以鋤擊賊不中死於亂刀之下

李同玉遇賊被擄持破竹刀斫賊被賊斷喉而死

毛顯萬於賊入宅時持鐵槍與鬪傷二賊賊糾黨至被眾矛叢刺而死

毛第藻被擄至恭田陰謀殺賊謀洩遇害

毛必有遇一賊見其手無具直前擒之賊呼救羣賊至遇害

毛先見毛先忠被擄不從遇害

廖紹王任孔時彭應高周泰封陳青仁李日祥羅常五羅代早
涂應昌彭仕達彭世德彭世梅彭應祜均遇賊被戕紹王瀏陽
人

平江

團防殉難

李觀池咸豐四年三月大股賊由巴陵竄入縣屬岑川觀池率
團勇堵禦勇潰觀池被擒不屈賊怒梟其首

團境遇害

趙世銘號星門平江宿儒所住趙家坪近湘陰新市咸豐六年五月十三日賊犯新市擾入世銘家世銘以大義曉之被擄至童家巷終宵痛罵遇害

臨湘

團防殉難

吳泰來國學生任廣西東蘭州吏目以病歸咸豐二年八月粵匪犯楚臨湘大條莊土匪李君瑞等聚眾豎旂謀爲之應泰來走白縣令暨提督博勒恭武歸設局練勇擒君瑞暨其黨李清安等三十餘人檻送岳州未卽誅而岳州被陷三十餘人皆逸

走巴陵聚晏仲武家逆黨復熾泰來率勇扼要堵擊尋官軍至
討平之餘黨未獲者特出沒鄉村間謀復仇三年春夏之間泰
來糾眾密緝復獲逃匪李道岸黃鳳儀等三十餘人匪黨悉絕
總督張亮基嘉之給其子弟八品軍功四人許泰來以優保明
年二月黃州賊上犯岳州再失賊黨恨泰來練勇殺賊二十三
日擁眾至其家被擒脅之降大罵不屈被殺賊焚其室湖南巡
撫以聞加恩照七品官陣亡議卹子治愷直隸臨榆縣典
史

張清岳諸生咸豐四年北匪上竄與兄國學生秉煜倡行團練
明年四月賊復上犯清岳與邑人賀霽若嚴黼章陳廣雲等設

局萬庫里楊家均等處募勇二百餘人號信勇萬庫里別有門
勇令戶出一人互相援剿共數萬人於是迭與賊戰七月六日
賊分三路擾境清岳亦分勇堵禦賊稍卻會崇通賊竄巴陵爲
官軍所敗眾數萬回竄洋樓司道出萬庫里黎旦猝至其地門
勇未及集清岳投袂起率信勇抵禦族壯士數百人皆持矛助
戰賊至者益眾勇不能支遂遇害門勇殉者二百餘人張族被
害者男女八十有二人被擄者尤多逃歸者二十一人清岳遇
害時手刃髮賊二右胸受一傷左手持矛右手握死賊髮倚墓
碑區立不仆而死未得卹

嚴黼章饒膽勇兼有智謀咸豐四年賊上竄聯營螺山黼章繪

夾江地圖上督帥籍以悉兩岸要隘與進師出入險夷之路明年賊復上竄逼崇陽通城臨湘令姚榮卿諭邑紳防堵萬庫里等隘黼章率團勇日夜守禦偵與蒲圻交界之小油畝有賊營五月八日漏初下率勇士數十人銜枚疾走至其地襲賊營奪銅鼓十餘具旋於左白畝分所屬爲四隊環賊營半里許齊舉火鳴金賊宵遁嗣又敗賊於母豬橋又敗之白石鋪雙港賊自是不敢侵掠八月二十四日賊復至黼章率勇禦之洋樓洞我軍用抬礮擊賊礮反至坐馬傷賊眾直前奔之黼章亟力督戰卒敗退以過勞故回營嘔血數升歸家卒

程起義邑增生咸豐二年倡立基隆山八團練勇旋又變產募

勇從縣令剿崇通蒲三縣賊五年土匪劉四糾眾嘯聚白里畝
八月初九日起義率練勇三百人直搗賊巢賊迂道伏深林中
俟起義還突起截殺起義力戰而死團勇殉者鄭光祖石瑞武
二人

王槐植以公正著與國學生余三誥耆民何嘉會等倡立忠防
團局推槐植爲長咸豐五年正月十三日有匪徒百餘人由白
里畝竄犯本團槐植三誥等夤夜傳集團勇數十餘人奮力抵
禦斃賊四人因夜深倉猝門勇未及齊失利槐植三誥嘉會與
文童李序爵余長昇李廷真李重保槐植子昌耀昌全團勇李
清遠李進先余求順余求序袁德勝王昌興周世隆皆力戰而

死

張守梅守彬守恭守偉守彥守相秉元秉志秉芳秉士秉壽均
生員張清岳房下叔姪兄弟咸豐五年七月初七日崇通賊回
竄羊樓司隨同清岳堵截皆死族中陣亡被害者尙有七十餘
人皆不詳

彭德醇在邑襄辦五門團務咸豐四年七月二十三日偵賊至
長安驛遇賊被擒賊支解之

余求儀國學生咸豐五年八月五日與弟求瓊率團勇堵賊於
縣屬龍窖源力屈均遇害

張在錦國學生咸豐五年聞賊警倡爲團練賊至糾黨圍其宅

被擒賊用鎖穿骨牽至賊巢寸磔死子先樵與團勇楊才武彭榮典皆奔救被殺

張秉正李尙朝白里團團長督勇守卡賊至遇害

陳北蛟在鄉充甲長咸豐四年七月賊踞對江螺山十二日賊分黨過江刦掠北蛟督勇扼之楓樹灘力盡被殺團勇張展倫殉

劉貽時擊賊楓樹灘失利落水而死

劉貽訃咸豐四年七月六日擊賊洋溪湖蝦形嶺戰死

黃魁柄耆民咸豐四年七月賊踞陸城邀鄉人共擊未成列而賊擁至遇害

姚世壽世賢鳴鼓邀鄉人擊賊兄弟均遇害

張魁讓耆民庠生士興之父賊踞螺山七月十四日擾至史家海邀鄉人堵擊被賊殘殺

沈定楨國學生咸豐六年九月賊踞羊樓司肆行劫掠二十六日賊至聶家市南莊等處率團勇防堵被執至龍窖源數日不食刀鋸交迫不屈遇害團勇丁其龍章必德章世武胡治椿張勝裔殉

謝從富以胆力雄充知縣姚榮卿練勇賞九品軍功南莊之役探賊被獲搜出牌票賊以利刀剗背而死

孫英鴻字俊臣邑諸生官石團長咸豐四年奉湖北臬司胡林

翼委搜捕臨湘餘匪尋命嚮導勦崇陽賊又曾解餉至鄂以迭
次勞績 賞六品頂戴五年五月率勇助勦通城賊本邑土匪
晏品傳等率匪截殺遇害品傳旋緝獲正法

尹參于萬庫里明月團團長咸豐五年七月賊犯境參于偕其
子端士團佐余世鵬率勇禦之勇潰三人均遇害參于從子選
士手刃賊數人賊乃退後當事給其子佳士九品功牌以酬其
勞

尹其祥尹遂美萬庫里人均燈窩團勇亦以是日堵賊被殺
黎受齊團紳咸豐六年十月十二日通城賊掠村知爲團長圍
其宅受齊及子二人姪一人僱工一人同時遇害當事奏請卹